



SULEQATIGIISITSISUT
SAMARBEJDSPARTIET

UPA2019/125 & 198

Tillie Martinussen

10. april 2019 – Siullermeerneqarnera

Kræftimik nappaateqarnerup paasineqarnerata kingorna ullut 28-t qaangiutsinnagit kræfteqartut katsorsarneqarnissamut tamarmik pilersarusiuunneqartarnissaat qanoq qulakkeerneqarsinnaanersoq kingusinnerpaamik ulloq 1. november 2019-mi qulaajaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Tamatumani nunatsinni kræfteqarlutik toqusartut ikilisinneqarnissaannik anguniagaqarnerup anguneqarnissaa siunertarineqarluni.

(Inatsisartunut ilaasortat Stine Egede aamma Sofia Geisler Inuit Ataqtigiit)

&

Nappaassuarmik Kræftimik eqqugaasimalluni paasineqarnermiit sivisunerpaamik ullut 30-vit qaangiutsinnagit katsorsarneqarnerup aallartereersimasarnissaannik qularnaarussisoqartalernissaa qanoq iliorluni piviusunnngortinneqarsinnaanersoq pillugu misissueqqissaarinermik ukioq 2019 naatsinnagu Naalakkersuisut saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jess Svane, Siumut)

Suleqatigiissitsisuni siunnersuutit tamakkiisumik taperserpagut.

Inassutigalugulu akuerineqassasut.

Aamma kissaatigineqarpat ataatsimiititaliamut ingerlakkusuppagut.

Oqaatiginngitsoorusunngilarpulli sukaterisoqartariaqarpat arlalitsigut, Peqqinnissaqarfimmi, inuit iseraangata.

Ukiorpassuarni oqallisigaarput, amerlaqisut tarnikkut artorsaateqarnertik pissutigalugu timikkut napparsimalersartut.

Peqataanik paasivarput sulii amerlanerusut nunanut assersuuffigisartakkatsinnut naleqqiullugu, toqqutigisinnaasaminnik nappaateqalersartut.

Tassani stress, illup iluata silaannalunna, qinngasaartittarneq pissutigalugu erloqinartorsiornerit imaluunniit inuttut erloqinartorsiornerit ilanngutinngilagut. Aamma avatangiisinit sunnerneqarnerit ilanngutinngilagut il.il. nappaatit qanoq ittuunerinut assip eqqarsaatiginerani.

Nappaatit suussusersinissaat qularnaartarutsigu aamma nappaatinut ersiutit siusissumik upperalugit iliuuseqarfisartuugutsigut, pineqaraluarpata kræfterneq imaluunniit nappaatit allat, taavalu napparsimasunik katsorsaallaqqissinerusuungutta aamma napparsimasut malinnaaffigilluartartuugutsigit - inuuginnarnissaminnut periarfissarissaarnerussagalarput.

Innuttaasorpassuit napparsimalersut nunartik qimattarpaat tamannalu uangutsinnut angisuumik annaasaqaataasarpoq.

Paasinarpoq peqqinnissaqarfimmi imatorsuaq nukissaqartoqanngimmat. Ilungersoqaat aamma taamaammata qutsavissaraagut. Aalajangernikuuarput peqqinnissaqarfimmi qanoq



SULEQATIGIISITSISUT
SAPIARBEJDSPARTIET

kiffartuunneqartassanerluta, Nunani avannarlerni napparsimaviit sorliit suleqatigerusunnerlugit piginnaasanik paarlaasseqatigiittarneq eqqarsaatigalugu. Piffissagallartillugu isumaqatigiissuteqartarnissaq aamma suliniutit iliuuserisinnaasagut tamaasa iliuuserisariaqarpagut immikkoortumi siuartortitsissagutta. Siunnersuutit pitsaasut suliarinerinut atatillugu peqqinnissaqarfimmi sulisut assigiinngitsut qaaqqoriartigit apersorlugillu iluarsiiisutissanut sunik siunnersuuteqarsinnaanersut, aamma peqqinnissaqarfik pitsaanerusoq qanoq iliorluta pilersissinnaaneripput.

Ataatsimiititaliani immitsinnut tusarnaarluariarta, napparsimasuutilit tusarnaariartigit aamma kræftimut katsorsaavinnut alakkarterisimasut oqaloqatigeriartigit taamatullu nunarsuup sinnerani kræftimut katsorsaavinnut pulaarsimasut. Taakku isumassarsiat tunniussinnaasaat suliamut ilanngunneqarlik Naalakkersuisunullu innersuussisoqarli pitsaasunik. Assorsuaq nuannaarutigissagaluarparput.

Taamatut oqaseqarluta siunnersuutip matumap akuerineqarnissaa inassutigaarput tamannali pitinnagu aamma ataatsimiititaliami oqaluuserinissaa.